

Te Waiputa Kaitangata



Paratī, tarapī, pōhutu
Whekuwheku ana ngā kākahu
E kore e puta i te tāpu
Ki konei noho ai mō ake tonu

Nā te pārekareka o te noho
Ka kōioio, tē whakarongo
Ki te tono a Kui kia tere puta
Kei tangohia te puru o te tāpu nā

Te kī a kui, i whakatinanahia
Ka tangohia te puru, i horomia
Te ūkui, te hopi, te oko mā
E te waiputa kaitangata

Ānō he uira, ka puta i
Te tāpu mōrearea o Kui
Kia haumaru ai au i te waha
O te waiputa kaitangata



Te Waiputa Kaitangata Paratī, tarapī, pōhutu Whekuwheku ana ngā kākahu E kore e puta i te tāpu Ki konei noho ai mō ake tonu Nā te pārekareka o te noho Ka kōioio, tē whakarongo Ki te tono a Kui kia tere puta Kei tangohia te puru o te tāpu nā Te kī a kui, i whakatinanahia Ka tangohia te puru, i horomia Te ūkui, te hopi, te oko mā E te waiputa kaitangata Ānō he uira, ka puta i Te tāpu mōrearea o Kui Kia haumaru ai au i te waha O te waiputa kaitangata	Te Reo Māori i <i>Te Marautanga o Aotearoa</i> Taumata 1, Pīpī/Kaha/Kaha Ake	
	ā-Waha Taumata 1 Pīpī/Kaha/Kaha Ake Āheinga Reo 1-4 Puna Reo 1-4 Rautaki Reo 1	ā-Tā Taumata 1 Pīpī/Kaha/Kaha Ake Rautaki Reo 1-2
	He kīanga Kia ... ai He kīwaha Ānō he... He kuputaka paratī <i>squirt, splash</i> tarapī <i>squirt</i> pōhutu <i>splash</i> whekuwheku <i>wet, splashed with water</i> puru <i>plug</i> kōioio <i>obstinate</i> He āhuatanga reo Huarite Kīanga Kīwaha Kupu āhua Kupu whakaahua Kupu whakarite	Hei rautaki whakaako <i>Te tuhituhi rotarota</i> Hei akiaki i te hunga kāore anō kia tino aro ki ngā āhutanga e tika ana ki te tuhituhi rotarota me mārيره, me whai take hoki. Me tipu te hiahia ki te ākonga tonu ki te tuhituhi. Hei ngohe huataki Tukuna ngā akonga ki te tuhituhi mō te 15 miniti. Ko te tāhū o te tuhituhi, “E maumahara ana ahau”. Ehara i te mea ka tuhituhi noa iho me he tuinga taki - I te ... i .., kātahi i... - kāore. Me tono kia tuhituhi rātou i ngā āhuatanga katoa i a rātou e whakahoki mahara ana - he aha rawa ngā kakara i rangona? He aha te āhua ki te whenua? Ko wai atu i tō taha? Aha atu, aha atu. Ka pau ana te 15 miniti me tū ngā ākonga ki te pānui i ā rātou tuinga/titonga ki te hunga whakarongo. Mā rātou hoki e tohutohu āe rānei me haere tonu, kāore rānei, ā, me mutu i konā te tuhituhi. Me pēnei i ngā rā e rua, e toru rānei i te wiki kia kaitito ai rātou!
	Ngā rauemi tautoko • Wetiweti, Weriweri • He Manu Tuhituhi • Ngā taupānga iPapa/tīpapa hoki e hāpai ana i ngā mahi hopu reo, kawē oro, waihanga ataata, tuhituhi rotarota hoki.	